

Maletg empalont dalla Scola da musica Surselva

Dapi 1973 s'engaschein nus per la musica

La Scola da musica Surselva ei part dil Center da formaziun Surselva (CFS), lavura per incumbensa dallas vischnauncas e porscha a tut ils affons, giuvenils e carschi en nossa regiun instrucziun musicala decentrala. Quell'instrucziun instrumentalala, da cant e d'ensemble risguarda tut las vegliadetgnas, ei multifara els stils ed innovativa.

Musica ei svilup

Nus instruin buca mo musica. Nus intermediein il plascher da cantar e sunar e promovin a moda individuala il svilup musical da nossas scolaras e nos scolars.

Musica ei educaziun

L'instrucziun individuala, igl exercitar ed experimentar communablamein ed il sepresentar avon in public sveglia buca mo ils duns musicals da nossas scolaras e nos scolars, mobein era lur competanza sociala.

Musica ei lungatg

La musica ei in lungatg universal che colligia ils carstgauns, las pli differentas culturas ed exprima quei ch'ins sa buca dir cun plaids.

Musica ei identitat culturala

Nus separticein alla veta culturala en nos vitgs ed en nossa regiun, ed organisein regularmein occurrentzas publicas.

Musica ei relaziun

Nossas persunas d'instrucziun ein cumpetantas e tgiran in bien contact cun scolaras e scolars e lur geniturs. Nus mettein gronda peisa sin ina communicaziun aviarta e transparenta e scaffin in ambient da fidonza.

Glion, ils 4 da zercladur 2020 CS/ac